



Tužilaštvo/Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTA 0020969 21  
Sarajevo, 22.10.2021.godine

Na osnovu člana 216. stav 3. Zakona o krivičnom postupku BiH, donosim:

**N A R E D B U**  
o neprovođenju istrage

Povodom e-maila zaprimljenog na info adresu Tužilaštva/Tužiteljstva Bosne i Hercegovine dana 30.07.2021.godine, sa e-mail adrese [REDACTED] u kojem je [REDACTED] koja koristi profil [REDACTED], uz poruku „[REDACTED]“, u Attachments-u dostavila svoju prepisku sa [REDACTED] licem koje koristi profil [REDACTED], a vezano za negiranja genocida u Srebrenici, odnosno počinjenje krivičnog djela Izazivanje nacionalne, rasne i vjerske mrženje, razdora i netrpeljivosti iz člana 145a. stav 3. Krivičnog zakona BiH, jer postoje druge okolnosti koje isključuju krivično gonjenje.

**O b r a z l o ž e n j e**

Dana 30.07.2021.godine, na info adresu Tužilaštva/Tužiteljstva Bosne i Hercegovine, sa e-mail adrese [REDACTED], [REDACTED] osoba koja koristi profil [REDACTED], dostavila je poruku „[REDACTED]“, u prilogu koje je, u Attachments-u, dostavila svoju prepisku sa [REDACTED] licem koje koristi profil [REDACTED], a vezano za negiranja genocida u Srebrenici, odnosno počinjenje krivičnog djela Izazivanje nacionalne, rasne i vjerske mrženje, razdora i netrpeljivosti iz člana 145a. stav 3. Krivičnog zakona BiH.

Iz dostavljene prepiske, između [REDACTED] osoba koje koriste profile na društvenim mrežama [REDACTED], proizlazi da su navedene [REDACTED] osobe imale više prepiski/komentara koji su se odnosili na zabranu negiranja genocida; da je u jednom od komentara [REDACTED] napisao: „[REDACTED] mi smo se izjasnili davno i opet se izjasnjavamo. Nemoj da mislis da pravnim nasiljem mozes da zabranis ljudima da misle. To je isto kao da mi zabranimo ezan sa damija jer nam smeta.“, a da mu je [REDACTED] odgovorila: „[REDACTED] ne izjašnjavaš se ti. Znaš ti dobro šta trebaš napisati. Ja ti nudim da se izjasniš, ali ti priznaješ zakon i prpa je. Bujrum.“; da na navedeni komentar [REDACTED] korisnik sa profila [REDACTED] odgovara fotografijom na kojoj se nalazi majica sa ćiriličnim natpisom: „Nije se desio“, na koji [REDACTED]

šalje poruku: „[REDAKCIJA] čega nije bilo??? Aj dovrši misao. Aj junačino, a ja ću te odraditi!!!“; da joj [REDAKCIJA] odgovara: „[REDAKCIJA] nemoj pokušavati da mi prijetis“, a da mu [REDAKCIJA] odgovara: „[REDAKCIJA] ne, ne. Poštivanje zakona.. Oni koji ga ne poštuju su kršitelji zakona. Ti tvrdiš da smiješ nepoštovati ga, pa ako je tako, izjasni se. Samo bujrum pokazati hrabrost.“ i odmah zatim u drugoj poruci navodi: „[REDAKCIJA] bravo. Ide prijava:“, [REDAKCIJA] zatim šalje poruku: „[REDAKCIJA] de smiri se hahahah“, a [REDAKCIJA] mu odgovara: „[REDAKCIJA], smirena junačine. Bujrum izjasni se.“; te joj na kraju [REDAKCIJA] šalje poruku: „[REDAKCIJA] izazivas vjersku i nacionalnu mrznju preko laznog profila. Nije bio genocid i tacka.“.

Dana 28.09.2021.godine, postupajući po Zahtjevu za prikupljanje dokaza Tužilaštva/Tužiteljstva Bosne i Hercegovine, Ministarstvo sigurnosti BiH, Državna agencija za istrage i zaštitu, dostavila je ovom Tužilaštvu Izvješće o poduzetim mjerama i radnjama, broj: [REDAKCIJA] od 27.09.2021.godine, u kojem je navedeno da su policijski službenici Državne agencije za istrage i zaštitu, izvršili provjere tražene zahtjevom, da su u cilju identifikovanja podnosioca prijave i prijavljenog lica i uzimanja izjave od istih, dana 25.08.2021.godine, uputili e-mail na adresu podnositeljice prijave [REDAKCIJA], kako bi sa istom ostvarili kontakt, ali da [REDAKCIJA] nije odgovorila na traženi upit, niti se uspjelo doći do točnog identiteta podnosioca prijave. Nadalje je navedeno da je, obzirom da podnositeljica prijave nije navela pod kojim naslovom je [REDAKCIJA] na [REDAKCIJA] portalu napisao komentar u kojem se negira genocid, izvršena pretraga internet stranice kao i facebook stranice [REDAKCIJA], te da pretragom nije pronađen pomenuti komentar i da postoji mogućnost da je komentar napisan na određenom facebook profilu ili zatvorenoj grupi, kao i da se provjerama nije došlo do točnog identiteta osobe koja koristi profil [REDAKCIJA].

S obzirom na sve okolnosti predmetnog događaja, dokumentaciju u spisu, te ostale operativne podatke, a posebno činjenicu da ovlaštena službena lica nisu utvrdila identitete, kako podnosioca prijave koji koristi profil [REDAKCIJA], tako ni lica koje je objavilo navedenu poruku sa profila [REDAKCIJA], te da se iz dostavljenih priloga u Attachments-u, odnosno njihove prepiske, ne može utvrditi ni datum kada je navodno počinjeno krivično djelo Izazivanje nacionalne, rasne i vjerske mrženje, razdora i netrpeljivosti iz člana 145a. stav 3. Krivičnog zakona BiH, ovo Tužilaštvo je, na osnovu člana 216. stav 3. Zakona o krivičnom postupku BiH donijelo Naredbu o neprovođenju istrage, jer postoje druge okolnosti koje isključuju krivično gonjenje.

Obzirom da [REDAKCIJA] podnositeljica prijave sa profilom [REDAKCIJA], u e-mail poruci nije napisala svoje kontakt podatke, te da ista nije odgovorila na e-mail poruku koja joj je upućena od strane ovlaštenih službenih lica Državne agencije za istrage i zaštitu, radi uzimanja izjave u svojstvu svjedoka, to istoj nije moguće, u skladu sa članom 216. stav 4. Zakona o krivičnom postupku BiH, dostaviti obavjest o nesprovođenju istrage.

TUŽILAC  
TUŽILAŠTVA/TUŽITELJSTVA BiH